



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1725. usque ad annum 1728

Fleury, Claude

August. Vind. [u.a.], 1784

VD18 13322648

§. 25. Benedicti XIII. Papæ gesta Beneventi.

[urn:nbn:de:hbz:466:1-67667](https://nbn-resolving.org/urn:nbn:de:hbz:466:1-67667)

Sæc. XVIII. Leibnitius Vir longe acutissimus in
 A. C. 1727. Echardo per integros viginti annos in-
 genii hebetudinem, & ad perficiendos
 hosce labores impotentiam non depre-
 hendit. Attamen Eckardi fortuna conti-
 git, quod ipse jam Catholicæ Religioni
 redditus suos *commentarios de rebus Fran-
 ciæ Orientalis* ediderit, quo opere ad ho-
 stium suorum confusionem comproba-
 tum redditur, illum uti semper, ita
 & tum fuisse Scriptorem ingenii acie,
 & laboris assiduitate longe præstantis-
 simum. En! quam exigua fides tri-
 buenda sit A catholicorum nonnullis,
 dum de suorum transitu ad Catholi-
 cos sua proferunt judicia, etsi in aliis
 fide dignissimi sint.

§. XXV.

*Benedicti XIII. Papæ gesta Bene-
venti.*

Postquam Benedictus Papa superatis
 omnibus, quæ objectabantur, dif-
 ficultatibus Beneventum proficisci con-
 stituerat, die vigesima secunda Martii
 prius Cardinalem Cosciam, & Melphi-
 tensem Episcopum, qui necessaria præ-
 pararent, eo contendere jussit, ipse
 vero die vigesima quinta ejusdem Men-
 sis Roma profectus, die prima Aprilis
 Beneventum venit, incredibili om-
 nium

nium lætitia exceptus. Vix eo delatus erat, cum totum sese Christianæ charitatis operibus dicaret. Præpripis Urbi ære alieno graviter pressæ sexaginta aureorum millia, quæ Pontificio ærario numerare debuisset, ad sexennium remisit, & Ecclesiæ S. Philippo Nerio sacræ viginti novem scutorum millia dono dedit, præter ingentem pecuniæ vim, quam pro exoranda eadem Ecclesia erogabat: Absoluta autem illius fabrica magnificum hoc Templum ipse solemniter sacra- bat. Nec minor erat ipsius liberalitas erga alias ejusdem Urbis Ecclesias, ad quarum restaurationem quindecim aureorum millia suppeditavit, & Gubernatoris Palatium insumptis sexies mille aureis reparari jussit: quolibet etiam die in singulos pauperes turmatim confluentes duos grossos distribuit, ac ipse ægrotos sæpius non modo sua præsentia, sed etiam piis hortationibus, & larga eleemosyna sublevavit, Verbo: omnibus prætereundo benefecit, non raro singularem ejus pietatem palam benedicente Domino; quippe puellam ab Orci genio infessam imposita ejus capiti dextera, & facto S. Crucis signo a malo hoc inquilino liberavit, quinquenni puero morbis fracto sanitatem, duodenni cæco vi-

Hist. Eccles. Tom. LXXII. Mm sum

Sæc. XVIII.
A. C. 1727.

Sæc. XVIII.
A. C. 1727

sum, & alteri furdo aurium usum restituit. Toto igitur, quo Beneventi morabatur, tempore nova indies suæ pietatis monumenta exhibuit, ac Clerum populumque sibi peculiari benevolentia acceptum eximiis charitatis paternæ officiis profecutus est: Ubi vero Romam reverti instituit, Præfules, Proceres, & Urbis Primores, necnon cives magno numero concurrentes in hæc verba allocutus est: „Filioli mei, amor, quo vos complector, me ad vos, antequam moriar, venire compulit: vestra erga me benevolentia, adhucdum in me immutata, viget, conservate eam mihi, de mea vicissim nunquam intermoritura persuasi sitis, & quamvis a vobis corpore segreger, animo tamen semper vobiscum sum. „ Ad tenerrima hæc Patris verba unaomnes gemitu potius ac corde, quam verbis aut lingua filialem suum affectum, gratumque animum testabantur, ac demum die duodecima Maij abeuntem potissimum per integram leucam lacrimis ubertim effusis, & faustissimis acclamationibus comitabantur.

§. XXVI.

Variae controversiæ per Papam Romanæ compositæ.

Quam.